

**SHANGAAN - "Where is your home?"**

## **KAYA RA WENA RI KWIHI ?**

Lavo tala va hina hi ni kaya, kumbe ndzhawu leyi hi yi vitaka kaya. Ri nga va ri nga sasekanga ku fana ni makaya manwana, hambu ku ri ku bombisiwa ka rona, kumbe vunene bya rona, kambe hambu swi ri tano, ha ha ri vula kaya; hambu loko hi nga .endzela kwihi ni kwihi, hi tsaka loko hi vuyele kaya. Tindzhawu tinwana leti hi nga va hi endzela ka tona ti nga va ti sasekile swinene ni ku antswa hi tindzela leto tala ku tlula kaya ra hina, kambe a ti va nga tani hi le kaya, kutani mikarhi hinkwayo ho tsundzuxiwa e kaya. Kuni nchumu lowu endlaka leswaku hi titwa hi rhurile ni ku tsaka loko hi ri e kaya.

### **HIVAENDZILA MISAVENI**

Rito ra Xikwembu ri hi byela leswaku hi vaendzi ni valuveri la misaveni. (1 Petro 2:11; Heb. 11:13). Laha misaveni, hambu loko makaya ya hina ma akiwile swinene, kambe yo va mintsonga ya nkarhinyana ntsena, kutani ku nga ri khale nakhumbi ma ta handzuka, lwango ri ta sungula ku pfula, moya wu ta hunga wu nghena hi tinyangwa ni mafester, kutani ndzhaku ka nkarhinyana misava ya khumbi yi ta wa, eku heteleleni na yona yindlu yi ta mbindzumuka. Wa nga languta lomu mathelo kusuhi na wena, kutani hinkwaku u ta vona swikombiso leswi kombaka leswaku hakunene ku hava nchumu lowu



yimaka hi laha ku nga heriki, kambe hinkwaswo swa hundza, hambi ma ri makaya ya hina, na wona ma hundza.

## **UNWANA NI UNWANA O NI KAYA LERI HETISEKEKE**

Kutani unwana ni unwana wa hina, hambi loko hi swi tiva ni loko hi nga swi tivi, o ni kaya leri hetisekeke, leri nga kona hi laha ku nga yiki helo. Kutani emakaya lawa, hi wona lama hi yaka eka wona loko hi hundzile la misaveni, ni loko mitsumbu ya hina yi vekiwile esirheni. Kutani kwalaho, mimoya ya hina yi tiyela emakaya, laha hi nga ha vitaniweki vaenzi, kihuva hi nga ta va kona hi laha ku nga heriki. Lerinwana kaya, loko ku hlamuseriwa, ri vuriwa tiva ra ndzilo ni xivavula, laha ku nga ni xivandza ni muprofeta wa vunwa, kutani hi laha Diabolos a nga ta cukumetiwa kona kunwe ni hinkwavo lava ku nga ta ka ku nga kumiwanga mavito ya vona eBukwini ya Vutomi. (Nhlavutelo 20:10-15). Kutani emalangavini lawa ya ndzilo, ne ku hisiweni loku ka mahlomulo, ku ta va kona swirilo ni ku getsela ka meno; ngohe ya Diabolos yi ta vonaka yi ri eku tsakeni, ku hleka ka mademona ku ta engetela ku vavisa ka mahlomulo ya hinkwaswo. Kwalaho a ku nga vi na muchaveleri, ni loko a ri mupfuni; lava avanyisiweke va ta va nhlomulweni ne maxangwini, kutani va ta navela leswaku ingi va yingisile swinene Evangeli ya Yesu Kriste.

Malangavi lawa ya ndzilo, ni xivandla xa maxangu, yi nga ndzhawu leyi vuriwaka tihele, ku ta va kaya ra vona, "Hikuva hinkwavo va dyohile, kutani a va fanerivi hi ku kwetsima ka Xikwembu." (Va-Roma 3:23). Hi rona kaya ra timbhisa, ni vugangu, ni vaoswi, ni lava nga basangiki, ni lava khongelaka swikwembu swa hava, ni vangoma, ni lava nga ni rivengo etimbilwini ta vona, ni va vukwele, ni vahembi, ni swidakwa, ni vayivi, ni lava dyelelaka, ni lava nga tshembekiki, ni vadlayi, ni lava rhandzaka madzolonga, ni va vulolo, ni lava tikurisaka, ni lava rhandzaka swilo swa misava leyi, ni lava chavisaka, ni va mona, ni va makolo, ni lava rhandzaka mali, ni lava rhandzaka misava ni leswi nge ka yona. (Va-Galatia 5:19-21; Nhlavutelo 21:8). Hi rona kaya ra lava nga ala ku amukela Hosi Yesu Kriste, leswaku a va Muponisi wa vona, va nga lava nga hlatswiwangiki hi Ngati ya Yesu. "Mi nga tshuki mi tikanganyisa, Xikwembu a xi vungunyiwi; hikuva lexi munhu a xi byalaka, hi xona lexi a nga ta xi tshovela." (Va-Galatia 6:7). Kutani lexi hi xi byalaka eku naveleni ne nyameni, hi ta xi tshovela etilweni.

Wa nga langutisa hi laha mudyohi a ngenaka ha kona emutini lowu, wu nga lowu vuriwaka kaya ra yena, hikuva a nga si amukela Muponisi. Mudyohi l'a tinononwhiseke o ya eku feni ni ntsumbu wa yena lowu teleke hi ku vaviseka, kutani ni moya wa yena wu tele hi ku chava rifu. Kutani rifu ri tile hi nkarhi lowu ri nga languteriwangiki, ni lowu ri nga laviwangiki ha wona, kutani ri honolela mahlo eka loyi ri teleke yena. Mitsakiso ya swidyoho yi hundzile, kutani hakelo leyo tika, leyi chavisaka ya swidyoho yi fanele ku hakeriwa. Mahlomulo ya tihele ma bvanyengeta moya wa yena lowu chavisaweke. Hambi loko a nga rhandza ku khongela, kambe a nga ka a nga swi koti ku vulavula na Xikwembu, hambi ku ri ku hlangana na xona. Vanakulobye va chava ku tshinela kusuhi ni byetlolo bya yena, kutani marito ya vo a lama nga tamelangiki nchumu a ma nwi pfuni hi nchumu, na rona rifuwo ra yena leri a nga ri kuma hi ku dyelela ri nge swi koti ku ponisa moya wa yena, kumbe ku miyeta ku vaviseka, ni loko ku ri ku lehisa vutomi bya yena, kumbe ku miyeta ku vaviseka, ni loko ku ri ku lehisa vutomi bya yena. Hambi leswi a ringetaka ku anakanva

Xikwembu, kambe Diabolos a nga nwi nyiki nkarhi. Kutani swilo hinkwaswo swa la misaveni leswi a nga swi tsakela, a va a swi hanyela, swo nwi hlekula, na murisi wa yena wa la misaveni, a nga ha swi koti ku nwi pfuna. Kutani o sungula ku swi vona leswaku **“I mhaka leyi chavisaka ku wela emavokweni ya Xikwembu lexi hanyaka.”** (Heb. 10:31). A a tshembile leswaku o ta hlangana ni Xikwembu eku feni ka yena, kambe o kuma leswaku nkarhi wu hundzile. Madzana-dzana ya vanhu va fa hi ku hatlisa va nga si kuma nkarhi wo lava Xikwembu loko va ri emasangweni ya rifu. Hikwalaho hi byeriwa leswaku hi fanele ku lava Xikwembu loko xa ha kumeka. Kambe ematshanweni ya ku tiyingingiselela rito leri chavelelaka ra Xikwembu, mufi wa mudyohi loyi, a nga loyi a tshikeke tintswalo ni rirhandzu ra Xikwembu evutonwini bya yena, o yimele ku yingisa rito ra Muavanyisi wa yena, a nga Muponisi loyi a nwi tshikeke, loko ri ku: **“Sukani ka mina nwina lava rhukaniweke, yanani ndzilweni lowu nga timekiki, lowu lunghiseriweke Diabolos ni tintsumi ta yena.”** (Mateo 25:41). **“Ku lerisiwe leswaku vanhu hinkwavo va fa kanwe, endzhaku ka swona ku va ku avanyisiwa.”** (Va-Heberu 9:27).

### **SWESWI-KE A HI LANGUTENI KAYA LERINENE**

Emutini lowu a ku na vusiku, a ku na mavoningo, hambi ku ri ku vonakala ka dyambu a ku nga ha vi kona, kikuva Hosi Xikwembu xi ta va voningela. (Nhlavutelo 22:5). Kutani a ku nga ha vi na mavabyi, ni ku vaviseka, hambi yi ri ndlala ni torha, ni leswi pfumariwaka, ni mahlomulo, kutani na rona rifu a ri nga ha vi kona. (Nhlavutelo 21:4). Rirhangu ra muti ri akiwile hi yaspi, kasi muti, wona, i nsuku lowu tengeke. (Nhlavutelo 21:18). **“E timhaka teto, tihlo a ri si ti vona e ndleve a yi si ti twa, a ti humelelanga embilwini ya munhu; timhaka teto, Xikwembu xi ti lunghisele lava xi va rhandzaka.”** (1 Va-Korinto 2:9) A ku na ririmi leri munhu a nga kotaka ku hlamusela ta ku kwetsima ka le tilweni, kahunene ka hlamarisa, ku tele vuhosi. Muti lowu i wa lava kutsuriweke. A ku ngeni mudyohi kona, na swona a ku na xilo xa thyaka lexi nga ta nghena kona, hambi l'a endlaka manyala ni mavunwa; kambe ku ta nghena ntsena lava tsariweke Bukwini ya Vutomi ya Xinyimpfana.” (Nhlavutelo 21:27). U nge xavi muti lowu hi mali hambi ku ri hi mitirho. U nga ka u nga khandziyi rirhangu ra wona, na swona a ku na ntirho ni wunwe wa kereke lowu nga ta ku nghenisa emutini lowu, kambe ku ngeniwa kona hi ndlela yinwe, kutani ndlela ya kona i Yesu. O vurile a ku: **“Hi mina ndlela, ni ntiyiso, ni vutomi; a ku na munhu l'a nga taka ka Tatana, loko ku nga ri ha mina.”** (Yohane 14:6). Ebukwini ya Yohane 14:2, Yesu o hi byela ta kaya leri a hi lunghiseleke rona, kambe muti lowu wa le henhla, i wa lava rivaleriweke swidyoho, lava timbilu ta vona ni vutomi bya vona swi basisiweke. Kambe lavo tala va ambala tinguvu tinwana, va tshemba leswaku tinguvu leti ti ta va nghenisa tilweni. E-e, a swi tano, kihuva i mbilu ntsena leyi faneleke ku basisiwa, kutani hi fanele ku hanya eku tengeni, hi va ni vutomi lebyi kwetsimisiweke, byi nga xaxameli kunwe ni misava leyi.

Kutani leswi hinkwerhu hi nga vadyohi emahlweni ka Xikwembu, kutani hi yaka tiheleni, ku ni xilo xinwe lexi hi nga xi endlaka: **“Loko hi tivula swidyoho swa hina, Xikwembu xa tshembeka, xi lulamile, ku hi ravalela swidyoho, ni ku hi hlatswa ku homboloka hinkwako.”** (1 Yohane 1:9) Yesu a ku: **“Hi mina ku pfuka ni vutomi: l'a pfumelaka ka mina, hambi a file, o ta hanya. Unwana ni unwana l'a hanyaka, a va a pfumela ka mina, a nga ka a nga fi,**

ni siku rinwe." (Yohane 11:25-26). "L'a yingisaka rito ra mina, a va a pfumela eka l'a ndzi rhumeke, o ni vutomi lebyi nga heriki, kutani a nga ka a nga ti ku avanyisiweni, kambe o sukile ku feni ku nghena vutomini." (Yohane 5:24). Eka mukriste rifu a hi nchumu, a ri nwi tiseri ku chava hambi ku xaniseka, kambe ra mitiwa hi ku hlula. "Wena rifu, ndzhombo wa wena wu kwihi-ke? Wena sirha! Ku hlula ka wena ku kwihi-ke? A hi nkhseni Xikwembu lexi hi nyikeke ku hlula hi Hosi ya hina Yesu Kriste." (1 Va-Korinto 15:54-57). Munhu l'a nga hanya, a va a famba ni Xikwembu a nga ka a nga chavi rifu. Loko nkarhi wa yena wa rifu wu fikile, o ta tifambela ni ku tsaka, swa nga hi leswi Muapostola Paolo a ringanisaka ha swona: "Ndzi ni ku navela ku suka, leswaku ndzi va na Kriste, hikuva hi yona mhaka leyi sasekeke ka mina ku tlurisa." (Va-Filipia 1:23). Mukriste o navela ku vona ngohe ya Yesu l'a nga nwi fela a va a nwi kutsula exihambanweni. Na woan Moya lowo Kwetsima wu nwi tsundzuxa marito ya Yesu: "**Timbilu ta nwina ti nga kanakani, pfumelani ka Xikwembu, ni ka mina mi pfumela. Vuako byi tele endlwini ya Tatana, ndzi ta tlhela ndzi vuya, ndzi mi teka mi ta ka mina, leswaku laha ndzi nga kona, mi va kona na nwina.**" (Yohane 14:1-4).

Sweswi-ke, a hi languteni hi laha mukriste a ngenaka ha kona e kaya ka yena. Ematshanweni ya rifu leri chavisaka, entsumi kumbe murhumiwa wa Xikwembu yi vonaka yi yimele ku teka moya wa munhu lowo lulama, yi wu yisa eka Xikwembu. Hikuva moya wa munhu wa susiwa entsumbini, wu tlakuseriwa empfhukeni, wu ya nghena hi tinyangwa leti pfulekeke ta le tilweni, wu tshama exifuvuni xa loyi ingi a wu nwi rhandza, a nga loyi wu nwi hanyeleke, wu va wu nwi fela loko wa ha ri la misaveni. O yimele ku amukeriwa emahlweni ka Xikwembu, laha a nga ta xewetiwa hi Hosi ni Nwinyi wa yena hi marito lawa: "Hi swona nandza lonene, l'a tshembekaka; nghena eku tsakeni ka Hosi ya wena." (Mateo 25:21). Satana a nga ha ri na matimba ehenhla ka yena, hikuva "Ri ni risima eka Yehova, rifu ra varhandziwa va yena." (Psalma 116:15). Kutani ndzi twa rito leri humaka etilweni, ri ku: Tsala, ku katekile vafi lava felaka eHosini, ku sungula sweswi! Moya wu ri: Ina, leswaku va phyuphya emitirhweni ya vona, kihuva mitirho ya vona yi va landzela." (Nhlavutelo 14:13). Xana u nga ka u nga endlI tani hi laha nwana wa vonopfa a nga endlI ha kona-ke, loyi ingi a ri kule ni le kaya, kaku loko a vona maxangu, ni ku pfumala, a ku: "Ndzi ta pfuka ya ka tatana." (Luka 15:18). Nyiketa vutomi bya wena sweswi eka Kriste, wa nga swi endlI **sweswi**, kwala u nga kona; nkhsinsama hi matsolo u tivula eka Xikwembu leswaku u mudyohi, u kombela eka Yesu leswaku a ku hlatswa hi ngati ya yena leyi hlawulekeke, nwi amukele evutomini bya wena, kutani loko u ri karhi u endlI sweswo, fularhela Satana, ni ndlela ya tihele, u sungula ku kongoma ndlela leyi yaka mutini wa le tilweni.

---

**Our Heart of Man Book can now be downloaded in 480 different languages onto cell phones, tablets, etc from our website [www.angp-hb.co.za](http://www.angp-hb.co.za).**

For **free** Gospel literature, books and tracts in over 540 languages, write to:

**E-MAIL: [info@angp.co.za](mailto:info@angp.co.za)**

**ALL NATIONS GOSPEL PUBLISHERS**  
**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)